



Broj: 01/2-04-450-4/2025
Breza, 10.07.2025. godine

Na osnovu člana 70. i 72. stav (3) tačka b) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javne nabavke (broj: 02/1-2-11-491-11/2025 od 30.06.2025. godine) u postupku javne nabavke usluga: Izrada Projekta „Zaštita i valorizacija stećaka na lokalitetu Kaursko groblje, selo Koritnik, općina Breza,“ Općinski načelnik, d o n o s i

ODLUKU
o dodjeli Ugovora drugorangiranom ponuđaču
Izrada Projekta „Zaštita i valorizacija stećaka na lokalitetu Kaursko groblje, selo
Koritnik, općina Breza“

Član 1.

- (1) Prihvata se Preporuka Komisije za javne nabavke (broj: 02/1-2-11-491-11/2025 od 30.06.2025. godine) i Ugovor za javnu nabavku usluga: **Izrada Projekta „Zaštita i valorizacija stećaka na lokalitetu Kaursko groblje, selo Koritnik, općina Breza,“** dodjeljuje se drugorangiranom ponuđaču, **“IPSA INSTITUT” d.o.o. Sarajevo**, (ponuda broj: 556/25 od 28.02.2025. godine) za ponuđenu cijenu od **15.920,00 KM bez PDV-a, odnosno 18.626,40 KM sa PDV-om.**
- (2) Poništava se Odluka o izboru najpovoljnijeg ponuđača „BOSNAING“ d.o.o. Sarajevo broj: 01/2-04-450-2/2025 od 17.03.2025. godine.

Član 2.

- (1) Prijedlog Ugovora o nabavci dostavit će se na potpis izabranom drugorangiranom ponuđaču u roku od 10 (deset) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani drugorangirani ponuđač je u ponudi dostavio dokaze o kvalificiranosti član 45. stav (1) tačke c) i d) Zakona o javnim nabavkama, a prema tački C)1)1. tenderske dokumentacije i iste nije potrebno naknadno dostavljati.
- (3) Izabrani drugorangirani ponuđač je u ponudi dostavio dokaz – Ovlaštenje nadležnog Federalnog ministarstva za prostorno uređenje da se pružalac usluga može baviti izradom projekata zaštite, konzervacije i rehabilitacije nacionalnih spomenika (broj: UPI/03-19-2-1553/22 od 20.01.2023. godine) i iste nije potrebno dostavljati 10 dana od dana potpisivanja Ugovora, kako je zahtijevano tenderskom dokumentacijom.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspekcijske poslove i opću upravu, svako u okviru svojih nadležnosti.

Član 4.

Ova Odluka objavit će se na web-stranici Općine Breza, (www.breza.gov.ba), istovremeno s upućivanjem iste kvalifikovanim ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim kvalifikovanim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

OBRAZLOŽENJE

Ugovorni organ je aktom broj: 01/2-04-450-2/2025 od 17.03.2025. godine donio Odluku o izboru najpovoljnijeg ponuđača „BOSNAING” d.o.o. Sarajevo, koja je istog dana uz Obavještenje o rezultatu postupka javne nabavke, Zapisnik o pregledu i ocjeni ponuda i ostalu dokumentaciju, dostavljena ponuđaču „BOSNAING” d.o.o. Sarajevo i svim ponuđačima koji su učestvovali u postupku javne nabavke.

Izabrani ponuđač je bio u obavezi da u roku od 10 (deset) dana od dana potpisivanja Ugovora, dostavi dokaz – Ovlaštenje nadležnog Federalnog ministarstva za prostorno uređenje da se pružalac usluga može baviti izradom projekata zaštite, konzervacije i rehabilitacije nacionalnih spomenika (original ili ovjerena kopija originala), kako je zahtijevano tenderskom dokumentacijom:

„2) *Tehnička i profesionalna sposobnost* – član 50. Zakona

2)1. Dokazi koje je ponuđač dužan dostaviti :

Poslove izrade projekata zaštite, konzervacije i rehabilitacije nacionalnih spomenika, može obavljati samo pravno lice koje posjeduje odgovarajuće ovlaštenje izdato od strane Federalnog ministarstva.

Ovlaštenje nadležnog Federalnog ministarstva za prostorno uređenje da se pružalac usluga može baviti izradom projekata zaštite, konzervacije i rehabilitacije nacionalnih spomenika.

(Original ili ovjerena kopija).

Dokaz – Ovlaštenje nadležnog Federalnog ministarstva za prostorno uređenje da se pružalac usluga može baviti izradom projekata zaštite, konzervacije i rehabilitacije nacionalnih spomenika (original ili ovjerena kopija originala), koju je odabrani/najuspješniji ponuđač dužan dostaviti najkasnije u roku od 10 (deset) dana od dana potpisivanja Ugovora, u protivnom će se smatrati da je Ugovor raskinut.”

Ugovor je potpisan od strane ponuđača „BOSNAING” d.o.o. Sarajevo dana 16.06.2025. godine i ponuđač je morao dostaviti zahtijevano Ovlaštenje do 26.06.2025. godine.

S obzirom da je ponuđač „BOSNAING” d.o.o. Sarajevo propustio u navedenom roku dostaviti originale ili ovjerene kopije dokumentacije Ovlaštenja nadležnog Federalnog ministarstva za prostorno uređenje da se pružalac usluga može baviti izradom projekata zaštite, konzervacije i rehabilitacije nacionalnih spomenika, u skladu sa uslovima iz tenderske dokumentacije, primjenom člana 72. stav (3) tačka b), Zakona o javnim nabavkama BiH, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Predlagač: Služba za privredu,

Obrađivač: Jasmina Došlić _____

DOSTAVLJENO:

1x Svim kvalifikovanim ponuđačima koji su učestvovali u postupku JN

1x Služba za privredu

1x Služba za finansije, inspekcijske poslove i opću upravu

1x web stranica

1x Evidencija

1x a/a

OPĆINSKI NAČELNIK

Vedad Jusić